

ANG

Bayan

Pahayagan ng Partido Komunista ng Pilipinas
Pinapatnubayan ng Marxismo-Leninismo-Maoismo

Taon XLII Blg. 2
Enero 21, 2011
www.philippinerevolution.net

Editoryal

Kamtin ang kapayapaang nakabatay sa katarungan at kaunlaran

Naging mabunga ang panimulang mga pag-uusap sa pagitan ng National Democratic Front of the Philippines (NDFP) at Gubyerno ng Republika ng Pilipinas (GPH) nitong Enero 14-18 sa Oslo, Norway. Nagkaisa ang mga *peace panel* ng NDFP at GPH na ituloy ang pormal na usapang pangkapayapaan sa Pebrero 15-21 at sabayan ito ng panibagong pitong-araw ding tigil-putusan.

Bago ito, anim na taon nang suspendido ang usapan dahil sa pakikipagkutsabahan ng rehimeng Arroyo sa US na ibilang ang Partido Komunista ng Pilipinas (PKP), Bagong Hukbong Bayan (BHB) at ang punong pampulitikang konsultant ng NDFP na si Jose Ma. Sison sa talaan ng mga "terorista." Tuluy-tuloy ding nilabag ng rehimen ang mga nakaraang kasunduan, kasabay ng tuluy-tuloy na paghahasik ng matinding kontra-rebolusyonaryong gera, terorismo at paglabag sa karapatang-tao. Wala ring ipinakitang interes ang rehimeng Arroyo na lutasin ang mga pampulitika, sosyo-ekonomiko at iba pang ugat ng digmaang sibil sa bansa.

Di man naging madaali, nagbunga ng positibong mga resulta ang panimulang mga pag-uusap.

Tahasan nang pumusisyon ang gubyernong Aquino na hindi nito itinuturing na terorista ang PKP, BHB at si Sison. Ipinangako ng GPH *peace panel* na tatalima ito sa Joint Agreement on Safety and Immunity Guarantees (JASIG), kabilang na ang paggarantiya na hindi aarestuhin ang mga nagtagong konsultant ng NDFP at aasikasuhin sa pinakamaagang panahon ang pagpapalaya sa nakakulong pangmga konsultant. Pinagtibay ang lahat ng dating mga kasunduan, ang pagsisimula ng negosasyon hinggil sa mga repormang sosyo-ekonomiko at ang muling pagbubuo ng Joint Monitoring Committee (JMC) para subaybayan ang pagtalima ng magkabilang panig sa Comprehensive Agreement on Respect for Human Rights and International Humanitarian Law (CARHRIHL). Sinabi rin ng GPH na bukas ito sa iginigiit ng NDFP na pagpapalaya sa iba pang mga bilanggong pulitikal.

Ginarantiyahan ng *peace panel* ng GPH ang kalayaan at pagpapadalo sa usapang pangkapayapaan ng tatlong konsultant ng NDFP (sina Rafael Baylosis, Randall Echanis at Vicente Ladlad). Dati na silang dumadalo sa mga pag-uusap at mga konsultasyon kaugnay ng mga adyenda sa usapan bago sila sampahan ng gawa-gawang kasong pagpatay. Para makaiwas sa panunupil ng estado, napilitan si-



Mga tampok sa isyung ito...

Minadaling pagsasakdal kay Ka Bart, binatikos PAHINA 3

Programang pribatisasyon, hahamunin ng PKP sa usapan PAHINA 5

15 armas nasamsam ng BHB PAHINA 7

lang magtago mula nang maglabas ang mga korte ng mandamyento de aresto laban sa kanila. Ang isa sa kanila, si Echanis, ay nadakip noong Enero 2009 at pansamantala lamang na pinalaya noong Agosto 2010.

Nangako rin ang *peace panel* ng GPH na pabibilisin ang proseso ng pagpapalaya sa 14 pang konsultant sa loob ng unang dalawang hagod ng pormal na mga pag-uusap. Ito ay sina Emeterio Antalan, Jovencio Balweg, Edwin Brigano, Pedro Codaste, Edgardo Friginal, Angelina Ipong, Randy Malayao, Alfredo Mapano, Glicerio Pernia, Maria Luisa Pucray, Eduardo Sarmiento, Eduardo Serrano at Jaime Soledad. Pawang mga konsultant sila ng NDFP na inaresto mula nang suspindihin ng rehimeng Arroyo ang pagpapatupad nito sa JASIG noong 2004. Bagong dagdag sa kanila si Tirso “Ka Bart” Alcantara, kinatawan ng mga rebolusyonaryong pwersa sa Southern Tagalog sa usapang pangkapayapaan, na inaresto nitong Enero 4 lamang sa ilalim na ng rehimeng Aquino, sa kabila ng muling pagkilala ng GPH sa JASIG.

Dahil sa reaksiyunaryong katangian ng naghaharing rehimen at sa karamihan ng mga da-



Kailangan ding igiit ng NDFP sa GPH ang pagpapalaya sa mga upisyal at pwersa ng PKP, NDFP at BHB na dinakip sa panahon ng tigil-putukan noong Disyembre 16 hang-

pat pang resolbahin at singilin sa pagpapatupad ng mga nakaraang kasunduan, kailangang patuloy na igiit at tiyakin ang pagtupad ng GPH sa mga pangako nito. Dapat itong gawin bago pa man bumuo ng bago na namang mga kasunduan.


Sa mga kasunduang dapat tupdin ng GRP, pinakapangunahin ang JASIG at CARHRIHL.


Bukod pa sa pagpapalaya sa nakakulong na mga konsultant at istap ng NDFP, hinihiling ng NDFP na lubusan nang tumalima ang GPH sa JASIG sa pamamagitan ng pagtigil sa mga kasong kriminal laban sa mga konsultant at iba pang personahe ng NDFP na protektado ng JASIG para malaya silang makalalahok sa negosasyong pangkapayapaan. Marami sa mga konsultant na ito ay binansagang mga “kawayang ng estado” at sinampahan ng mga gawa-gawang kaso alinsunod sa “ligal na opensiba” ng nagdaang rehimen.

gang Enero 3. Ang pag-aresto sa kanila habang nasa byahe, dalaw o pagpapagamot ay ilan lamang sa maraming paglabag ng mga armadong pwersa ng GPH sa mga probisyon ng magkasabay na tigil-putukan.

May mga nalalabi pa ring usapin sa pagtalima sa JASIG na nararapat harapin sa mga susunod pang pag-uusap. Dapat pa ring bigyang-kalutasan ng gubernong Aquino ang pagdukot sa iba pang konsultant ng NDFP, kabilang sina Leo Velasco, Rogelio Calubad at Prudencio Calubid, at kanilang mga istap. Inilahad ng isang nakatakas at tumestigong kasama nina Calubid kung paano sila dinukot at pinahirapan, at kung paano iniligpit ang kanyang mga kasama. Ang pagdukot, pagmamalupit at di paglilitaw hanggang sa ngayon sa iba pang mga konsultant at istap ng NDFP sa usapang pangkapayapaan ay walang kapararakang paglapastangan sa JASIG at CARHRIHL at kabuuan ng prosesong pangkapayapaan.

Alinsunod sa CARHRIHL, iginigiit din ng mga rebolusyonaryong pwersa ang kagyat na pagpapalaya sa halos 400 detenidong pulitikal, tulad ng ginawang pagpapalaya ng rehimeng Aquino sa humigit-kumulang 400 ding bilanggong militar na nagrebelde sa rehimeng Arroyo. Ang kongkretong paraan ng pagpapalaya sa mga detenidong pulitikal ay dapat na ring talakayin. Hindi dapat gawing kondisyon sa kanilang paglaya ang paglapastangan sa kanilang dignidad, tulad ng pwersahang pagpapaamin ng kasalanan.

 Taon XLII Blg. 2 Enero 21, 2011	
Ang <i>Ang Bayan</i> ay inilalabas sa wikang Pilipino, Bisaya, Iloko, Hiligaynon, Waray at Ingles. Maaari itong i-download mula sa Philippine Revolution Web Central na matatagpuan sa: www.philippinerevolution.net Tumatanggap ang <i>Ang Bayan</i> ng mga kontribusyon sa anyo ng mga artikulo at balita. Hinihikayat din ang mga mambabasa na magpaabot ng mga puna at rekomendasyon sa ikauunlad ng ating pahayagan. Maaabot kami sa pamamagitan ng email sa: angbayan@yahoo.com	
Nilalaman	
Editoryal:	
Kamtin ang kapayapaang nakabatay sa katarungan at kaunlaran	1
Pagsasakdal kay Ka Bart	3
Programang pribatisasyon, hinamon	4
Protesta laban sa pagtaas ng singil	5
Pagbabawal sa pagtotroso, huli na	6
Pangangamkam ng lupa sa Aurora	7
15 armas nasamasam ng BHB	7
Ika-42 anibersaryo sa FSMR	8
Paglabag ng AFP sa tigil-putukan	9
Balita	10
Ang <i>Ang Bayan</i> ay inilalathala dalawang beses bawat buwan ng Komite Sentral ng Partido Komunista ng Pilipinas	



Dapat ding ipatupad ng GPH ang malaon nang napagkasunduan sa CARHRIHL na pagbibigay ng danyos sa mga naging biktima ng paglabag sa karapatang-tao sa ilalim ng diktadurang Marcos. Dapat magkaroon ng kongkretong komitment mula sa GPH na maipatutupad na ito sa loob ng taong ito. Ang pagbibigay ng karampatang danyos sa mga biktima ay bahagi ng hinahangad nilang hustisya at hindi kapalit ng pag-uurong ng mga demanda laban sa mga Marcos. Hindi itinuturing na pagtalima sa CARHRIHL ang pagbibigay ng danyos sa mga oportunistang grupo na ang hangad lamang ay salapi at hindi ang katarungan.

Dapat ding usigin, litisin at parusahan ang mga utak at pangunahing tagapagpatupad ng mga ekstrahudisyal na pamamaslang, pagdukot, pagtortyur, pananakot at iba pang pasistang krimen sa mga aktibista, mahihigpit na kritiko ng rehimen at kahit mga inosenteng tao. Dapat kagyat at sistematikong imbestigahan ang mga paglabag ng rehimeng Arroyo sa karapatang-tao, at ang pagpapatuloy ng gayong mga paglabag, at makipagtulungan sa mga organisasyong nagtataguyod ng karapatang-tao.

Dapat ding tuluy-tuloy na bantayan at labanan ang mga pagmamaniobra at maruruming taktika ng mga ultra-reaksyonaryo at militarista sa loob ng rehimeng Aquino para pangibabawin pa rin ang kontra-rebolusyonaryong mga patakaran at hakbangin, at ipagpatuloy ang kanilang mga pasistang krimen, paglabag sa karapatang-tao,

paninira sa rebolusyonaryong kilusan at pagdiskaril sa prosesong pangkapayapaan.

Sa mantalang

positibo na ang tahasang pagpusisyon ng rehimeng Aquino na hindi terorista ang PKP-BHB, hindi dapat tumigil lamang dito. Dapat pa ring gu-

mawa ang rehimeng Aquino ng mga mapagpasyang hakbangin para lubusang mabaklas ang resulta ng pakikipagkutsabahan ng rehimeng Arroyo sa US at iba pang imperyalistang kapangyarihan para mali at malisysong ibilang ang PKP at BHB sa kani-kanilang mga talaan ng mga "dayuhang teroristang organisasyon."

Reaksyunaryo ang rehimeng kaharap ng NDFP sa usapang pangkapayapaan, at pundamental ang pagkakaiba ng pusi- syon ng magkabilang partido sa

Minadaling pagsasakdal kay Ka Bart, binatikos ng PKP

Binatikos ng Partido Komunista ng Pilipinas ang Armed Forces of the Philippines (AFP) sa pagtatangka nitong mada- daliin ang pagsasakdal kay Tirso "Ka Bart" Alcantara, konsultant ng National Democratic Front of the Philippines.

"Dali-daling dinala si Ka Bart noong Enero 19 sa Branch 59 ng Regional Trial Court sa Lucena upang isagawa ang dagliang pagsasakdal. Labag ito sa kanyang karapatan dahil hindi muna ito ipinagbigay-alam sa kanya o sa kanyang mga abugado," anang PKP. Gayunpaman, na- obliga si Executive Judge Eloida de Leon-Diaz na ipagpaliban ang pagsasakdal sa Marso 1 matapos tanggi- han ni Ka Bart ang abugadong ibinigay sa kanya ng korte.

"Malinaw na pagtatangka itong pangunahan ang kasunduan para sa pagpapalaya kay Ka Bart at iba pang mga konsultant ng NDFP," wika ng PKP. "Naghahabol ang mga sagad-sa-butong pasista at reaksyunaryong pwersa na hadlangan ang pagbilang kay Alcantara sa listahan ng mga konsultant ng NDFP na palalayin ng GPH."

Samantala, pinabulaanan ng PKP ang ulat ng militar na tinangka ng mga kasapi ng Bagong Hukbong Bayan na

itakas si Ka Bart noong gabi ng Enero 18. Ayon sa AFP, inaresto raw nila ang isang nagngangalang Romulo Luna na nakalusot daw sa mga gwardya ng Fort Bonifacio sa Taguig City na may dala- dala granada. May dalawa pa umanong kasama si Luna na nanatili lamang sa labas ng kampo militar at kaagad na tumakbo nang "mahuli" si Luna.

Tinawanan ng PKP ang pahayag ng AFP. "Walang gayong pagtatangka na iligtas si Ka Bart mula sa detensyon. Ang kwentong ito ay krudo at hibang na paglulubid lamang ng buhangin ng AFP para siran ang lehitimong kahilingan ng NDFP na kagyat na palayain si Ka Bart at pagtakpan ang patuloy na paglabag sa kanyang mga karapatan bilang konsultant ng NDFP sa usapang pangkapayapaan."

Hiniling ng PKP sa midya at iba pang interesadong sektor na patuloy na imbestigahan ang gayong ulat ng militar.

AB

maraming usapin, kabilang na ang saligang mga isyung sosyo-ekonomiko na siyang nilalaman ng susunod na sustantibong adyenda. Sasaklawin nito ang magaganit na usapin ng reporma sa lupa, pambansang industriyalisasyon at paggigiit ng pambansang soberanya.

Kaya hindi maaaring maliitin ang mga nakikini-kinitang kahirapan sa negosasyon, at wala pang katiyakan kung ano ang hahantungan nito. Dapat maging prisipyado, matalas at pursigido sa pagharap sa maraming hamon na kinakaharap sa usapan.

Gayunman, dapat samantalahin ang pagkakataong ito para maigiit ang interes at adyenda ng mga rebolusyonaryong pwersa at mamamayan at kamtin ang mga maaari nang makamit habang nakikitang may maaasahan pa sa GPH sa pagpapatuloy ng usapang pangkapayapaan.

Mahalagang magpatuloy ang mga hakbangin ng magkabilang panig para sa kagandahang-loob upang mabuo ang pinakamainam na kundisyon sa pagdaraos ng usapang pangkapayapaan. Dapat pagsikapang kamtin ang maksimum na bentahe para sa rebolusyonaryong kilusan at mamamayan sa pamamagitan ng mga pag-uusap nang hindi binibitiwan ang baril.

Ang patuloy na pagtitipon ng lakas ng mga rebolusyonaryong pwersa at mamamayan sa pamamagitan ng pursigido at matatag na paglulunsad ng armadong pakikibaka at masiglang mga pakikibakang bayan ang pinakatiyak na paraan para mailutak ang prosesong pangkapayapaan at mailatag ang matibay na pundasyon ng kapayapaang nakabatay sa katarungan at kaunlaran. **AB**

Programang pribatisasyon, hahamunin ng PKP sa usapang pangkapayapaan

Hahamunin ng rebolusyonaryong kilusan ang programang pribatisasyon ng rehimeng Aquino sa nalalapit na muling pagbubukas ng usapang pangkapayapaan sa pagitan ng Guberno ng Republika ng Pilipinas (GPH) at ng National Democratic Front of the Philippines (NDFP). Ayon sa PKP, igigiit nito ang pagbabasura ng Public-Private Partnership (PPP) Program oras na pumasok na ang pag-uusap sa paksa ng mga repormang sosyo-ekonomiko.

Ang gayong paggigiit ng PKP ay ginawa sa harap ng kaliwa't kanang pagtataas ng mga bayarin at mga presyo ng bilihin na tuwirang nakaugnay sa patakaran ng pribatisasyon, liberalisasyon, deregulasyon at denasyunalisasyon (PLDD). Nagsimula ito noon pang dekada 1980 at ipinagpapatuloy ng kasalukuyang rehimen. Nitong unang bahagi ng Enero, inaprubahan ni Benigno Aquino III ang pagtataas sa *toll fee* sa North Luzon Expressway (NLEX) at South Luzon Expressway (SLEX). Katwiran ng rehimeng Aquino, dapat isagawa ang mga pagtaas alinsunod sa kontrata sa mga namuhunang kapitalista na gumagarantiya ng kanilang tubo. Ang NLEX at SLEX ay kapwa pinatatakbo ng malalaking kapitalistang dayuhan at mga lokal na kasosyo nito. Bunga ng pagtataas ng mga singil, nagtataas na rin ng singil ang mga bus at iba pang sasakyang dumaraan dito.

Kasabay ng pagtataas ng singilin sa *toll fee*, inaprubahan ng Malacañang ang pagtataas ng pamasahang sa MRT at LRT sa

kabila ng maring kahilingan ng mamamayan na huwag nang dagdagan ang kanilang pasakit. Aabot sa doble ang babayarang pamasahang ng mga bumibyahe sa mga tren na ito simula Marso 1.

Ang pagtataas ng rehimen sa pamasahang sa MRT at LRT ay may layuning gawing kaakit-akit sa pribadong sektor ang mga linya ng tren na ito. Nakatakdang ibenta sa pribadong sektor ang mahigit 75% ng sapi ng Metro Rail Transit Corporation na siyang nagpapatakbo ng mga tren.

Nais ding pagandahin ng rehimen ang mga pampublikong istasyon ng telebisyon at ang Philippine Amusement and Gaming Corporation (PAGCOR) para maging mas kaakit-akit ang mga ito sa mga mamumuhunan. Kabilang ang PAGCOR at ang mga istasyong RPN 9 at IBC 13 sa mga ihinahanay ng guberno na isailalim sa pribatisasyon. Target ding isapribado ang 40 ektaryang lupain ng Department of Health sa Cebu, ang 178 ektaryang Camp Aguinaldo at 33 ektaryang Camp Crame sa Quezon City. Ipinaiimbentaryo ni Aquino



ang mga ari-arian at lupain ng mga departamento upang matukoy kung alin pa sa mga ito ang pwedeng isapribado.

Samantala, sunud-sunod din ang naging pagtaas ng presyo ng mga produktong petrolyo. Malaya itong nagagawa ng mga kumpanya sa langis dahil sa deregulasyon ng industriya ng langis. Nitong Enero ay halos linggu-linggong itinataas ang presyo ng gasolina at iba pang produkto. Ang presyo ng krudo ay umaabot na ngayon sa ₱39 kada litro habang mahigit ₱50 ang presyo ng bawat litro ng gasolinang *unleaded*. Itinutulak nito ang pagtataas ng presyo ng transportasyon at iba't ibang mga bilihin.

Maging ang singil sa tubig sa Metro Manila ay tinaasan kamakailan ng mga magkasosyong dayuhan at komprador na pribadong kontratista, habang ang pagtataas ng singil sa kuryente ay palagian nang problema ng mga tagakonsumo.

Ang mga patakarang PLDD ay patuloy na isinasakatuparan ng rehimeng Aquino sa utos ng International Monetary Fund, World Bank at iba pang internasyunal na ahensyang pampinasya. Layunin ng PLDD na bigyang-daan ang pamumuhunan ng mga dayuhang malalaking kapitalista sa mga susing sektor ng lokal na ekonomya at bigyang-laya silang makapagkamal ng supertubo. Kasabay nito, itinutulak nito ang pagbabawas ng gastusin ng guberno sa mga serbisyo at imprastrukturang panlipunan.

Labis na pahirap na ang idinulot ng mga patakarang pribatisasyon sa nakaraang dalawang dekadang pagpapatupad nito. Mabilis na bumubulusok ang antas ng pamumuhay ng mamamayan sa harap ng tuluy-tuloy na pagsirit ng presyo ng mga karaniwang bilihin at mga serbisyo. Kaya naman marapat lamang na puspusang labanan ng mamamayan ang mga patakarang ito. **AB**

Protesta laban sa pagtaas ng singil ng MRT, LRT, gumugulong na

Sinalubong ng mga kilos-protesta ang balak ng guberno na Sitaas ang pasahe ng mga tren ng Metro Railway Transit (MRT) at Light Rail Transit (LRT), gayundin sa NLEX at SLEX. Nakaambang maglunsad ng mga aksyong protesta ang iba't ibang sektor ng lipunan para tutulan at kundenahin ang mahigit 100% pagtaas ng pamasaha ng tren at sa kalaunan ng bus, dyipni at taksi.

Sinimulan noong Enero 11 ang kampanya ng isang alyansa ng kabataan para mangalap ng mga pirma laban sa pagtataas ng pamasaha sa NLEX, SLEX, MRT at LRT Lines 1 at 2. Hindi makatarungan ang nakaambang pagtaas ng pamasaha, ayon sa Strike the Hike Movement. Pinuntahan ng mga kabataang aktibista ang upisina ng LRT sa Recto, Maynila at kanilang tinuligsa ang patakarang Public-Private Partnership (PPP) ng rehimeng Aquino na siyang nasa likod ng pagtataas ng pamasaha.

Kinahapunan, naglunsad ang Derail the Hikes Alliance ng *noise barrage* sa iba't ibang bahagi ng Maynila.

Nakatakda ring maglunsad ng serye ng mga kilos-protesta ang Riles Laan sa Sambayanan (RILES Network), isang malawak na samahan ng mga mananakay sa tren, mga estudyante at mamamayan sa kalahatan, ani Sammy Malunes, pangunahing *convenor* ng RILES Network.

Maghahain din ng petisyon ang mga kinatawan ng mga progresibong partido sa Korte Suprema para pansamantalang pigilin ang pagtataas ng pamasaha sa MRT at LRT na ipatutupad ngayong Marso 1. Pamumunuan ni Rep. Neri Colmenares ng Bayan Muna ang tim ng mga abugadong maghahain ng mosyon. Ayon kay Colmenares, hindi solusyon ang pagtaas ng pamasaha para mabawi ang pagkalugi ng sistema ng tren. Makasisira lamang ito sa sistema ng transportasyong

masa dahil ipapasa nito sa mga pasahero ang bigat ng pagtaas. Aniya, dapat pa ngang maglaan ng subsidyo ang guberno sa naturang sistema ng pagbibyahe.

Ayon naman kay Rep. Luz Ilagan ng Gabriela Women's Party, ipatutupad ang pagtaas ng singil ng pamasaha sa panahong kaliwa't kanang natatamaan ang publiko ng pagtaas ng singil sa *toll* at presyo ng gasolina, krudo, LPG, pagkain, kuryente, tubig at iba pa.

Aniya, sa halip na ipabalikat sa publiko ang pangangailangan ng guberno ng dagdag na kita, dapat nitong habulin ang mga ismagler at malalaking negosyanteng hindi nagbabayad ng karampatang buwis, tulad ni Lucio Tan.

Ayon naman kay Rep. Antonio Tinio ng ACT Teachers Party at Rep. Raymond Palatino ng Kabataan Partylist, ang pagtaas ng pamasaha ay tiyak na magtutulak sa mga manggagawa na humiling ng dagdag-sahod para matugunan ang dagdag na gastos. **AB**



Huling-huli na, kulang na kulang pa

Ang plano umano ng gubyernong Aquino na ganap na ipagbawal ang pagtotroso ay huling-huli na at kulang na kulang pa para lutasin ang grabeng pagkawasak ng kapaligiran. Ang malawakang pagkawasak ng kapaligiran ay kasalukuyang pinata-tampok ng matinding mga pagbaha at pagguho ng lupa na ngayoy sumasalanta sa iba't ibang prubinsya matapos ang ilang linggo nang tuluy-tuloy na pag-ulan sa silangang bahagi ng bansa.

Hindi bababa sa 60 katao na ang namamatay nitong nagda-ang mga araw, at ilampung libong pamilya na ang nasasalan-ta. Ang pagpapalipad-hangin ni Aquino ng panukalang ganap na ipagbawal ang pagtotroso ay pagpapakitang-gilas lamang sa ha-rap ng kabi-guan ng kanyang gubyerno na iwasan ang mga sakuna at tulungan ang daan-daang libo nang nagdurusa. Ang panu-kalang ipagbawal ang pagto-troso ay ilang ulit nang naging bukambibig ng nakaraang mga rehimen. Ngunit wala sa kanila ang nagpakita ng determina-syon na ihinto ang malawakang komersyal na pagtotroso. Ang palipad-hanging panukala ni Aquino ay mauwi rin sa wala.

Duda ang mamamayan na ipa-hihinto ni Aquino ang malaking komersyal na operasyon ng San Jose Timber Corporation na pag-aari ni Sen. Juan Ponce Enrile, pinuno ng Senado. Kontrolado nito ang konsesyon sa pagtotroso na sumasaklaw sa 96,000 ek-tarya sa Samar at nasa loob ng pinangangalagaang 330,000 ek-taryang Samar Island Nature Park. Duda rin ang marami kung ipahihinto ni Aquino ang opera-syon ng Surigao Development Corporation (SUDECOR) na kumo-kontrol sa 76,000 ektaryang kon-

sesyon sa Surigao del Sur. Hindi rin malamang hahakbang si Aquino laban sa malawakang pagtotroso na ginagawa ngayon sa mahigit sampung libong ek-taryang saklaw ng proyektong APECO ng pamilyang An-gara sa Aurora.


(Tingnan ang kaugnay na artikulo.)

Kabilang ang Pilipi-nas sa mga bansa na may pinaka-mabilis na tan-tos ng pagka-

wasak ng kagubatan. Pitong mi-lyong ektarya na lamang ng ka-gubatan ang natitira rito (o 20% ng orihinal na kagubatan).

Sa kabila ng malalang pagka-wasak ng kagubatan, patuloy na pinahihintulutan ng reaksyuna-ryong gubyerno ang malalaking kumpanya sa pagtotroso na pu-mutol ng mga puno para sa komersyal na gamit at pang-eksport. Taun-taon ay umaabot sa 100,000 ektarya ng kaguba-tan ang kinakalbo ng mga kum-panyang ito. Hanggang satsat lamang ang pagbibigay-protek-syon sa mga kagubatan para sa reaksyunaryong gubyerno.

Sa kabilang panig, ilang taon nang epektibong ipinatutupad ng rebolusyonaryong kilusan ang mga patakarang nagbabawal sa malakihang operasyong pag-totroso at pagmimina na duma-dambong at sumasalanta sa ka-paligiran at lumulustay sa ya-man ng bansa. Ang pangangala-ga sa natitirang kagubatan ay epektibong naisasakatuparan sa mga lugar kung saan umiiral ang awtoridad ng rebolusyonaryong kilusan at ng demokratikong gubyernong bayan. AB



Mamamayan ng Mankayan, nagbarikada laban sa operasyon ng pagmimina

“MAGBABANTAY kami rito araw at gabi,” wika ng isang resi-dente ng Sityo Tabbak sa Barangay Bulalacao, Mankayan, Ben-guet nang itayo nila ang barikada laban sa operasyong *drilling* ng Indodrill noong unang linggo ng Enero.

Mahigpit ang pagtutol ng mga taga-Tabbak sa *drilling* da-hil tiyak silang susundan ito ng malakihang operasyon sa pag-mimina kung magtutuluy-tuloy ito. Kapag nangyari ito, masi-sira ang nalalabing pinagkukunan nila ng tubig, mawawasak ang kanilang kabuhayan at posibleng masira ang kanilang ko-munidad.

Ang Indodrill ay subkontraktor ng Far Southeast Gold Min-ing Resources Inc. at Lepanto Consolidated Mining Company. Noong Disyembre 2010, nagulat na lamang ang mga residente ng Mankayan nang makapasok sa erya ang kagamitan sa *drill-ing* nito. Agad na pinuntahan ng 110 residente ng Tabbak ang *barangay hall* ng Bulalacao at humingi ng dayalog sa mga upi-syal ng barangay. Doon na lamang nila nalaman na binigyang-pahintulot ng pamahalaang panlalawigan ng Benguet na mag-operasyon sa kanilang komunidad ang Indodrill. AB



Pangangamkam ng lupa, tinuligsa sa Aurora

Mariing tinuligsa ng mga residente ng Aurora ang malakihang pangangamkam ng mga lupain sa prubinsya sa pamumuno ng dinastiyang Angara.

Inihayag nila ito sa isang kilos-protestang nilahukan ng umabot sa 400 minoryang Dumagat at maliliit na mangingisda noong Enero 17 habang pinasisinayaan ang isang proyektong pabahay. Nanguna sa pagpapasinaya si Sen. Edgardo Angara Sr., ang isponsor ng batas na nagtayo ng Aurora Pacific Economic Zone Project (APECO). Ang proyektong pabahay ay nakalaan umano para sa 450 pamilyang ililipat mula sa baybaying bayan ng Casiguran para bigyang-daan ang itinatatayong *free port* na bahagi ng APECO.

Malakihang pangangamkam ng lupa ang nasabing proyekto. Ito ay dahil mula sa orihinal na 500 ektarya ay pinalawak ang sasaklawin ng APECO hanggang 12,427 ektarya ng primera klaseng lupaing agrikultural sa Casiguran at iba pang baybaying bayan ng Aurora. Kabilang dito ang 110 ektaryang nailaan na sa reporma sa lupa; mga 300 ektarya pang may irigasyon at produktibong sakahan; mga tirahan ng mga mangingisda; at mga lupang ninuno ng mga pambansang minoryang Dumagat.


Binili na rin ng APECO sa halagang P120 milyon ang karapatang mangahoy sa lugar mula sa Industries Development Corporation. Inumpisahan na ang paspasang pangangahoy at paghahawi ng kagubatan para sa iba't ibang gamit ng APECO.

Kabilang sa pinakamasusugid na bumabatikos sa proyekto at naggigiit sa angkam

Angara na huwag nang ituloy ito ang Catholic Bishops Conference of the Philippines (CBCP).

Ang dinastiyang Angara ay pinamumunuan nina Senador Angara, anak niyang si Rep.

Edgardo "Sonny" Angara, Jr. at kapatid niyang si Gov. Bella Angara-Castillo. **AB**



15 armas, nasamsam ng BHB sa Davao del Sur at ComVal

Labinlimang (15) armas ang nasamsam ng Bagong Hukbong Bayan (BHB) sa mga taktikal na opensiba nito sa Davao del Sur at Compostela Valley nitong nagdaang mga araw. Apat sa kaaway ang napatay at lima ang nasugatan sa mga labanang ito.

Dinisarmahan ng mga Pulang mandirigma ng Alex Ababa Front Operations Command ng Front 71 ang grupong paramilitar ni Barangay Chairman Ramon Danwata sa Barangay Bolita, Malita, Davao del Sur noong Enero 8. Nakasamsam sila ng tatlong M16, isang M14, isang Garand, dalawang karbin, isang M79 *grenade launcher*, tatlong 12-gauge *shotgun* at isang kal .22 na pistola, ayon sa Valentin Palamine Regional Operations Command ng BHB sa Far South Mindanao Region.

Napatay si Danwata sa operasyon. Naiwan siyang nanlalaban matapos sumuko sa BHB ang mga tauhan niya sa Civilian Volunteer Organization (CVO) at Barangay Defense System (BDS). Si Danwata ay dati nang aktibong nakikipagtulungan sa AFP sa mga operasyon sa kanilang lugar.

Nagtangkang sumaklolo sa mga paramilitar ang mga tropa ng 39th IB ngunit tinambangan sila ng isa pang pangkat ng mga Pulang mandirigma. Limang sundalo ang nasugatan kabilang ang punong upisyal na si 1Lieutenant Vallejos at dalawa niyang sarhento.

Bago ito, dalawang magkasunod na ambus ang inilunsad sa Compostela Valley ng Crucifino Uballas Command (CUC) ng Front 2 sa Southern Mindanao Region.

Nasamsam ng BHB ang dalawang M16 at isang M203 *grenade launcher* mula sa isang pangkat ng Reengineered Special Forces Team (RSOT) ng 3rd Special Forces Battalion-AFP na tinambangan nito sa Barangay Magdum, Tagum City noong madalang araw ng Enero 6. Napatay ang tatlong sundalo na nakasakay sa motorsiklo. Pinalalabas ng 10th ID na ang naturang mga sundalo ay magsasagawa ng isang "*peace and development program*" sa nasabing baryo. Ngunit ang nasamsam na malalakas na armas mula sa kanila ang nagpapatunay na hindi gawaing pangkapayapaan at kanunlaran ang inaatupag nila noon.

Pagkaraan ng dalawang araw, tinambangan ng isa pang tim ng CUC ang isang platoon ng 71st IB sa Sityo Darot, Barangay Libodon, Mabini, Compostela Valley. Isang sundalo ang napatay. **AB**



Masayang pagdiriwang ng ika-42 anibersaryo ng PKP sa FSMR

Mahigit 500 katao ang dumalo sa isang masayang pagdiriwang ng ika-42 anibersaryo ng Partido Komunista ng Pilipinas na ginanap sa Far South Mindanao Region (FSMR) noong Disyembre 26. Idinaos ito sa sentro ng baryo sa isang liblib na komunidad ng mga Lumad sa kabundukan ng Tanggali Latian, Davao del Sur.


Ito ang kauna-unahang pagkakataong nakapagtanghal ng programa sa lugar na ito. Karamihan ng mga dumalo ay mula sa baryong pinagdausan at ang iba naman ay nagmula sa mga karatig na baryo na naglakad nang ilang oras para makiisa sa selebrasyon.

Nagsimula ang programa bandang alas-10 ng umaga. Sa talumpati ni Ka Nonoy, inilahad niya ang pangkalahatang kalagayan ng rebolusyonaryong kilusan sa bansa at sa FSMR at kung papaano isasakatuparan ang programa ng PKP para abutin ang estratehikong pagkapatas (o sa kanilang nilikhang pinaikling salita, ESPAT). Nang marinig ito ng mga Pulang mandirigma, sabay-sabay silang sumigaw ng “ESPAT! ESPAT! ESPAT!” Sinundan ito ng palakpakan ng masa. Isang matanda ang nagkomentaryong, “Ay, kung magpapatas-patas na’y

maaabutan ko pa pala ang tagumpay!”

Kasunod nito’y nagtanghal ng maiikling “malikhaing teatro” na naglarawan sa buhay ng mga Pulang mandirigma. May mga nagtanghal ng sayaw kung saan inilalarawan ang kalagayan at karanasan ng mga kasama. May mga dula ring tungkol sa masa tulad ng pagpapakita sa kalagayan ng mga magsasaka sa ilalim ng isang despotikong panginoong maylupa.

Nagtanghal din ng *maral* (sayaw ng tribong B’laan) ang mga katutubong Pulang mandirigma hinggil sa buhay ng mga Lumad. Sa pagsisimula ng *maral* ay inilabas nila mula sa isang bakpak ang mga gagamitin sa sayaw—malong, panyo at *katik* (instrumentong pangmusika na gawa sa kawayan). Habang nagtatanghal sila ay biglang tumak-



bo papunta sa entablado ang isang apat na taong gulang na bata na sumilip sa laman ng bakpak. Nang makita niyang umiindak ang mga kasama ay umindak na rin siya. Nagtawanan at nagpalakpakan ang mga nagmamasid.

Sumunod sa pangkulturang programa ang mga laro. Sa simula ay mga bata lamang ang sumali. Pero sa kalaunan ay sumali na rin ang matatanda. Ang mga laro ay karaniwang “parlor games” na nilagyan ng rebolusyonaryong laman. Isang nakatutuwa ay ang “lihok aktibista” (kilos-aktibista). Dito’y pabilisan ang mga kalahok ng pagsuot ng damit at pagdala ng gamit ng isang aktibistang mag-oorganisa. Sinundan ito ng “lihok hukbo” (kilos-hukbo). Sa bersyon nila ng “Pinoy Henyo,” pinahulaan sa mga lumahok ang mga salitang karaniwang ginagamit ng rebolusyonaryong kilusan.

Natapos ang programa bandang alas-4 ng hapon sa pagawit ng Internasyunal. **AB**

AFP, hindi ang BHB ang lumabag sa magkatugong tigil-putukan

Ang mga sundalo ng Armed Forces of the Philippines (AFP) at Philippine National Police (PNP) ang siyang tahasang lumabag sa tigil-putukang magkatugong idineklara ng National Democratic Front of the Philippines (NDFP) at ng Government of the Republic of the Philippines (GPH) noong Disyembre 16, 2010 hanggang Enero 3, 2011.

Ito ang tugon ni Jorge “Ka Oris” Madlos, tagapagsalita ng NDFP-Mindanao, sa malisyosong editorial ng isang pangunahing pahayagan sa bansa na katulad ng AFP ay nag-aakusang patray-

dor daw na nilabag ng Bagong Hukbong Bayan (BHB) ang tigil-putukan (*Philippine Daily Inquirer*, Enero 9, 2011).

Mahigpit na tumalima ang lahat ng mga yunit ng BHB sa

19-araw na tigil-putukan, ani Ka Oris. Kasabay nito, nilinaw niya na ang dalawang taktikal na opensibang isinagawa ng BHB ay labas sa saklaw ng tigil-putukan. Tinambangan ng BHB ang isang yunit ng 63rd IB ng Philippine Army sa Barangay Sta. Fe, Las Navas, Northern Samar noong Disyembre 14, dalawang araw bago magsimula ang tigil-putukan. Ang ambus naman ng

BHB sa isang tim ng 3rd Special Forces Battalion sa Magdum, Tagum City ay isinagawa noong Enero 6, tatlong araw makalipas ang tigil-putukan.

Sa kabilang banda, bago pa magsimula ang magkatugong tigil-putukan ay inatasan na ng pamunuan ng AFP ang lahat ng mga yunit nito na maglunsad ng mga operasyong militar sa taling ng "Community Organizing for Peace and Development (COPD). Kinatatangian ito ng "pag-imbata" ng militar sa pinaghihinalaan nilang mga lider-masa para interogahin, kung saan ang ilan ay dumanas ng tortyur. Ito ay malinaw na paglabag hindi lamang sa karapatang-tao kundi sa mga batayang karapatan ng isang mamamayan, ayon kay Ka Oris.

Partikular sa Mindanao, tinukoy ni Ka Oris ang mga insidente ng paglabag sa tigil-putukan ng mga yunit ng AFP sa mga prubinsya ng Surigao del Norte, Surigao del Sur, Agusan del Norte, Bukidnon, Sultan Kudarat, North Cotabato at Sarangani. Nagtayo ang militar ng mga *random checkpoint* sa kahabaan ng hayway ng Surigao del Sur at Bukidnon para pigilin ang pagdalo ng mamamayan sa selebrasyon ng ika-42 anibersaryo ng Partido Komunista ng Pilipinas noong Disyembre 26.

Sa panahon ding ipinatutupad ang magkatugong tigil-putukan,

inaresto ng mga operatiba ng AFP at PNP ang mga upisyal ng NDFP na sina Kasamang Pedro Codaste (North Central Mindanao Region) at Edwin Brigano (Southern Mindanao Region).

Sumusunod ang mga di pa kumpletong ulat ng paglabag ng AFP sa magkatugong tigil-putukan sa Mindanao:

Disyembre 16 hanggang sa kasalukuyan. Nagpapatuloy ang COPD ng mga yunit ng militar sa mga barangay ng Tinago, Bunyasan, Hanagdong, Cansayan, Masgad at Cantapay, lahat sa bayan ng Malimono; sa mga barangay ng Silop, Mapawa, Trinidad at Mabwa sa Surigao City; at barangay Ema sa Sison, lahat sa Surigao del Norte.

Nobyembre 18-Disyembre 27. May matagalang operasyong militar sa Bislig City, Surigao del Sur na sumaklaw sa mga barangay ng San Agustin at mga sityo ng Mabog at KM 4 sa San Roque.

Disyembre 17-26. Nagsagawa ng COPD ang isang iskward ng militar sa ilalim ng 8th IB sa kabundukan ng Barangay Sayawan, Impasugong, Bukidnon.

Disyembre 17-27. Nagtayo ng tsekpoynt ang detatsment ng Civilian Active Auxiliary (CAA) sa ilalim ng 23rd IB at nirekisa ang mga dumaraang tao sa kabundukan ng Barangay Guilanguilang, Manolo Fortich, Bukidnon.

Disyembre 17-31. Ginalugad ng apat na platun ng 8th IB ang kabundukan ng Barangay Matupi, San Fernando, Bukidnon.

Disyembre 18. Naglunsad ng operasyong militar ang isang iskward ng 73rd IB sa Barangay Upper Suyan, Malapatan, Sarangani. Dinagdagan ang detatsment dito ng mga tauhan bilang paghahanda sa pagsisimula ng operasyon sa pagmimina ng Looc Mining Co. ng San Miguel Corporation.

Nilimas ng mga sundalo ang bahay ng isang Lumad na nakilala lamang bilang Sumil. Ininteroga ng militar si Sumil at habang tinututukan ng baril ay pilit ipinatuturo sa kanya kung naan ang isang "Kumander Boyax". Nang sabihin niyang wala siyang alam sa itinatanong sa kanya, kinumpiska ng mga sundalo ang itak ni Sumil at pinagbantaang tatagain.

Isang linggo bago ang insidenteng ito, naglunsad na ng serye ng mga operasyong saywar ang 73rd IB sa Sityo Datalnay, Upper Suyan na bumiktima ng maraming sibilyan. Kabilang sa mga hinaras ng militar ang mga batang mag-aaral na Lumad na may edad 7-13 taong gulang. Binusisi at binasa ng mga sundalo ang mga notbuk ng mga batang Lumad sa paghahanap ng "mga leksyon mula sa BHB."

Ilang sibilyan din ang hinaras, tulad ng residenteng si Maling Baral, isang 35-taong gulang na Lumad, na dalawang beses ininteroga sa loob ng anim na oras. Ang dahilan: Ayon sa militar, "malamang na tinututulan siya ng BHB dahil malaki ang kanyang taniman."

Disyembre 18. Nagpatrulya ang mga tropa ng Alpha Company ng 27th IB at CAFGU sa ilang baryo ng Columbio, Sultan Kudarat, partikular sa Sityo Dam, Barangay Maligaya. Pumasok sila sa Barangay Sinapulan noong Disyembre 23 at kanilang hinaras ang mga residente, na



karamiha'y tutol sa pag-ooperasyon ng Xstata-SMI, isang malaking dayuhang kumpanya ng pagmimina.

Disyembre 23-27. Nagpatrulya ang mga tropa ng Bravo Company ng 68th IB at ilang elemento ng CAFGU sa pamumuno ng isang 1Lieutenant Cebreón sa ilang barangay ng Batang at Genoveva Baynosa; at sa Sityo Lambusong, Barangay Bacong, lahat sa Tulunan, North Cotabato. Ginalugad din nila ang mga baryo ng Bella Flores, Malabuan at Guangan, lahat sa bayan ng Makilala. Noong gabi ng Disyembre 23, nakita ng maraming residente na nagpusisyong ambus ang mga sundalo sa Barangay Genoveva Baynosa, malapit sa plantasyon ng saging ng Stanfilco-Dole. Bandang huli, umakyat sila sa bulubunduking sityo na sakop ng Barangay Bacong.

Disyembre 30, alas-3 ng hapon hanggang madaling araw ng Disyembre 31. Isang platoon ng 39th IB at mga elemento ng CAFGU ang pumusisyon sa mga barangay ng Macol at Sanghay sa Malita, Davao del Sur. Nagdulot ng matinding takot sa mga residente ang presensya ng militar. **AB**

Presidente ng Tunisia, pinatalsik ng malalakas na kilos-protesta

NAPATALSIK sa poder sa pamamagitan ng malalakas at sustenidong kilos-protesta ng mamamayang Tunisian ang presidente ng bansa na si Zine al-Abidine ben Ali noong Enero 14. Ipinasa niya ang kapangyarihan sa pulitika sa kanyang punong ministro.

Ang malawak na diskontento ng mga Tunisian ay dulot ng matinding krisis sa ekonomya na nagbunsod ng malawak na disempleyo; laganap na korapsyon ng pamilya at mga kroni nina Ben Ali at kanyang asawa (na tinaguriang "Imelda Marcos" ng Tunisia;) at ng deka-dekada nang panunupil sa mamamayan at mga kaaway sa pulitika ng gubyernong Ben Ali. Dalawampu't tatlong taon nang pinaghaharian ni Ben Ali ang bansa.

Nagsilbing mitsa ng mga protesta ang pagsunog sa sarili ng isang kabataang manininda matapos tangkaing kumpiskahin ng mga awtoridad ng Tunisia ang kanyang mga panindang gulay at prutas. Sa sumunod na mga linggo, umabot sa 90 ang napatay sa halos isang buwang pakikipagsagupaan ng mamamayan sa mga armadong galamay ng gubyernong Tunisian.

Ang Tunisia ay isang bansa na matatagpuan sa dulong hilaga ng Africa. Hinahangganan ito ng Libya sa timog-silangan at Algeria sa kanluran. Mayorya ng mamamayan nito ay Arabo.

Ika-24 anibersaryo ng Mendiola Massacre, ginunita

NAGLUNSAD ng serye ng mga kilos-protesta ang mga kasaping organisasyon ng Kilusang Magbubukid ng Pilipinas (KMP) para gunitain ang ika-24 na anibersaryo ng Mendiola Massacre.

Isang *caravan* ang inilunsad nitong Enero 21 ng mga kasapi ng KMP mula sa tanggapan ng Department of Agrarian Reform (DAR) patungong Mendiola. Dumaan muna sila sa Department of Justice (DOJ) para ipanawagan ang pagbabasura sa Stock Distribution Option (SDO) sa Hacienda Luisita at maghain ng motion para muling buksan ang kaso ng Mendiola Massacre. Lumahok sa pagkilos ang mga magsasaka mula sa Southern Tagalog at Central Luzon at iba pang progresibong organisasyon.

Hinahamon ng mga magsasaka mula sa Katipunan ng Samahang Magbubukid-Timog Katagalugan at Alyansa ng mga Magbubukid sa Gitnang Luzon si Benigno Aquino III na muling buksan ang isyu ng Mendiola Massacre kung saan 13 magsasaka ang napatay.

Ayon kay Willy Marbella, *deputy-secretary general* ng KMP, marapat lamang na muling buksan ang kaso dahil wala pang kahit isang upisyal ng militar at pulis na sangkot dito ang naparurusahan. Ang masaker ay naganap sa ilalim ng panunungkulan ni Pangulong Corason Aquino, ina ng kasalukuyang presidente.

Bago ito, nagrali ang KMP sa harap ng Camp Aguinaldo sa Quezon City noong Enero 20 para tutulan ang Oplan Bayanihan at ang nagpapatuloy na mga ekstrahudisyal na pamamaslang ng mga magsasaka at aktibista. Ayon sa KMP, si Oyi Villarosa, isang lider-magsasakang pinaslang sa Nueva Ecija nitong Enero ang kauna-unahang biktima ng Oplan Bayanihan. Hiniling din nilang palayain na ang mga lider-magsasakang sina Dario Tomada, Darwin Liwanag, Esmeralda Bardon, Felicidad Caparal at iba pang mga detenidong pulitikal.

Noong Enero 19, nagrali sila sa tapat ng Batasang Pambansa upang ipinawagan ang pagbabasura sa Comprehensive Agrarian Reform Program Extension with Reforms (CARPER) at *Charter Change* o *cha-cha* dahil pareho itong kalaban ng uring magsasaka. Ayon sa KMP, ang CARPER ay instrumento ng paghahari ng mga panginoong maylupa sa kanayunan habang ang *cha-cha* naman ay instrumento ng mga dayuhang negosyante. Pareho ang layunin nitong mangamkam ng lupa.



ANG

Bayan

Pahayagan ng Partido Komunista ng Pilipinas
Pinapatnubayan ng Marxismo-Leninismo-Maoismo

Taon XLII Blg. 2
Enero 21, 2011
www.philippinerevolution.net

Editorial

Kamtin ang kapayapaang nakabatay sa katarungan at kaunlaran

Naging mabunga ang panimulang mga pag-uusap sa pagitan ng National Democratic Front of the Philippines (NDFP) at Gubyerno ng Republika ng Pilipinas (GPH) nitong Enero 14-18 sa Oslo, Norway. Nagkaisa ang mga *peace panel* ng NDFP at GPH na ituloy ang pormal na usapang pangkapayapaan sa Pebrero 15-21 at sabayan ito ng panibagong pitong-araw ding tigil-putusan.

Bago ito, anim na taon nang suspendido ang usapan dahil sa pakikipagkutsabahan ng rehimeng Arroyo sa US na ibilang ang Partido Komunista ng Pilipinas (PKP), Bagong Hukbong Bayan (BHB) at ang punong pampulitikang konsultant ng NDFP na si Jose Ma. Sison sa talaan ng mga "terorista." Tuluy-tuloy ding nilabag ng rehimen ang mga nakaraang kasunduan, kasabay ng tuluy-tuloy na paghahasik ng matinding kontra-rebolusyonaryong gera, terorismo at paglabag sa karapatang-tao. Wala ring ipinakitang interes ang rehimeng Arroyo na lutasin ang mga pampulitika, sosyo-ekonomiko at iba pang ugat ng digmaang sibil sa bansa.

Di man naging madaali, nagbunga ng positibong mga resulta ang panimulang mga pag-uusap.

Tahasan nang pumusisyon ang gubyernong Aquino na hindi nito itinuturing na terorista ang PKP, BHB at si Sison. Ipinangako ng GPH *peace panel* na tatalima ito sa Joint Agreement on Safety and Immunity Guarantees (JASIG), kabilang na ang paggarantiya na hindi aarestuhin ang mga nagtagong konsultant ng NDFP at aasikasuhin sa pinakamaagang panahon ang pagpapalaya sa nakakulong pangmga konsultant. Pinagtibay ang lahat ng dating mga kasunduan, ang pagsisimula ng negosasyon hinggil sa mga repormang sosyo-ekonomiko at ang muling pagbubuo ng Joint Monitoring Committee (JMC) para subaybayan ang pagtalima ng magkabilang panig sa Comprehensive Agreement on Respect for Human Rights and International Humanitarian Law (CARHRIHL). Sinabi rin ng GPH na bukas ito sa iginigiit ng NDFP na pagpapalaya sa iba pang mga bilanggong pulitikal.

Ginarantiyahan ng *peace panel* ng GPH ang kalayaan at pagpapadalo sa usapang pangkapayapaan ng tatlong konsultant ng NDFP (sina Rafael Baylosis, Randall Echanis at Vicente Ladlad). Dati na silang dumadalo sa mga pag-uusap at mga konsultasyon kaugnay ng mga adyenda sa usapan bago sila sampahan ng gawa-gawang kasong pagpatay. Para makaiwas sa panunupil ng estado, napilitan si-



Mga tampok sa isyung ito...

Minadaling pagsasakdal kay Ka Bart, binatikos PAHINA 3

Programang pribatisasyon, hahamunin ng PKP sa usapan PAHINA 5

15 armas nasamsam ng BHB PAHINA 7

Mga tuntunin sa paglilimbag

1. Ang **sinundang pahina**, na eksaktong kopya ng pahina 1 maliban sa mas mapusyaw ang *masthead* o *logo* ay para sa mga gumagamit ng *mimeo machine* o naglilimbag sa paraang *v-type*. Idinisenyo ito para hindi madaling makasira ng istensil.

2. Pag-*print* sa istensil:

- a) Sa *print dialog*, i-check ang **Print as image**
- b) Alisin ang *check* sa **Shrink oversized pages to paper size**
- k) I-click ang **Properties**
- d) I-click ang **Advanced**
- e) Tiyaking naka-set sa **100%** ang **Scaling**
- d) Ituloy ang pag-*print*

3. Hinihikayat ang mga kasama na ipaabot sa patnugutan ng *AB* ang anumang problema kaugnay ng paglilimbag sa pamamagitan ng *v-type*. Magpadala ng *email* sa angbayan@yahoo.com